

資治通鑑補

資治通鑑補卷第二十八

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀二十起初元元年盡永光二年凡七年

孝元皇帝上

荀悅曰諱爽之字曰盛惠劭曰諡法行義悅民曰元 在位十六年改元四初元五永光五建

昭五竟

初元元年春正月辛丑葬孝宣皇帝於杜陵

臣瓚曰自崩至葬凡二十八年杜陵

在長安南五十里補註杜陵在西安府城東南十五里樂游原許后陵亦在焉救天下 三月丙午立皇

后王氏封后父禁為陽平侯 以三輔太常郡國公田及苑可省

者振業貧民

太常掌諸陵邑故亦有公田苑貧不滿千錢者賦貸師古曰振業振起之令有作業

種食

賦給與之也種食者或爲種子或爲食用

封外祖平恩戴侯同產弟子中常侍

許嘉爲平恩侯

文穎曰戴侯許廣漢余按廣漢先坐腐刑及薨無後今以嘉紹封

夏六月以民

疾疫令太官損膳減樂府員省苑馬以振困乏

樂府員大凡八百二十九人武帝所

立漢官儀牧師諸苑三十六所

關東郡國十一大水饑或人相

食轉旁郡錢穀以相救

上素聞王吉貢禹皆明經潔行遣使者

徵之吉道病卒禹至拜爲諫大夫吉字子陽琅琊皋虞人也少時

學問居長安東家有大棗樹坐吉庭中吉婦取棗以啖吉吉後知

之乃去其婦東家聞之遂欲伐去其樹鄰里共止之因固請吉令

還婦里中爲之語曰東家有樹王陽婦去東家棗完去婦復還其

厲志如此少與貢禹爲友世稱王陽在位貢公彈冠言其取舍同

也舉賢良爲昌邑中尉屢諫王不聽宣帝立用爲益州刺史行部

至耶咷九折阪

耶咷音窮來

歎曰奉先人遺體奈何數棄此險卽以病

自免去復徵爲諫大夫宣帝謂其言迂闊遂謝病歸琅邪吉兼通

五經能爲騶氏春秋而專以詩論語教授諸生爲後學所宗禹初

舉賢良爲河南令歲餘以職事爲太守所責免冠謝太守令復冠

禹曰冠一免安可復也遂去官歸至是復徵乃起上數虛已問之

以政禹奏言古者宮室有制宮女不過九人秣馬不過八匹牆塗

而不珉木摩而不刻車輿器物皆不文畫苑囿不過數十里與民

共之什一而稅無他賦役故天下家給人足頌聲並作至高祖孝

文孝景皇帝循古節儉宮女不過十餘人厩馬百餘匹衣綈履革

綈音提

器無珉文金根之飾後世爭爲奢侈轉轉益甚臣下亦相放

效衣服履綉刀劍

綉卽袴字音庫

亂於主上主上時臨朝入廟眾人不能

別異甚非其宜然非自知其僭也猶魯昭公曰吾何僭矣今大夫
僭諸侯諸侯僭天子天子過天道其日久矣臣愚以為如太古難

宜少放古以自節焉方今宮室已定無可奈何矣其餘盡可減損

故時齊三服官輸物不過十笥

李斐曰齊國舊有三服之官春獻冠纁纁為首服秋素為冬服輕紵

為夏服凡三如渚曰地理志曰齊冠帶天下切公曰服官主作衣

織以給衣龍之服地理志襄陽亦有服官師古曰齊三服官李說

是也後與纁同即今之方目案也紵素今之絹也輕紵今之輕紫

也襄邑自出文繡非齊三服也○笥音四維音徒又音西與纁同

紫即方今齊三服官作工各數千人一歲費數鉅萬蜀廣漢主金

銀器歲各用五百萬三工官官費五千萬東西織室亦然廐馬食

粟將萬匹天下之民所謂大饑餓死者是也今民大饑而死死又

不葬為犬豕所食人至相食而廐馬食粟苦其太肥氣盛怒至乃

旧步作之王者受命於天為民父母固當若此乎天不見耶武帝

時又多取好女至數千人以填後宮及棄天下昭帝幼弱霍光專事不知禮正多藏金錢財物鳥獸魚鼈牛馬虎豹生禽凡百九十物盡瘞藏之又皆以後宮女置於園陵大失禮逆天心又未必稱武帝意也昭帝晏駕光復行之至孝宣皇帝時陛下惡有所言所言者惡以天下儉其親此語承上闕使事羣臣亦隨故事甚可痛也故使天下承化取女皆大過度諸侯妻妾或至數百人豪富吏民畜歌者至數十人是以內多怨女外多曠夫及眾庶葬埋皆虛地上以實地下其過自上生皆在大臣循故事之罪也唯陛下深察古道從其儉者大減損棄輿服御器物三分去二子產多少有命擇後宮賢者畱二十人餘悉歸之及諸陵園女無子者宜悉遣獨杜陵宮人數百誠可哀憐也漢制天子嬰駕後宮送葬因畱奉陵寢廄馬可無過數十匹獨舍長安

城南苑地以爲田獵之囿自城西南至山西至鄠皆復其田以與

貧民

師古曰舍置也獨置置之其餘皆廢去

方今天下饑饉可無大自損減以救之

稱天意乎天生聖人蓋爲萬民非獨使自娛樂而已也天子納善

其言下詔令諸宮館希御幸者勿繕治太僕減穀食馬水衡減肉

食獸

太僕掌典馬漢書云天子六服未央丞華節騎騎馬與除大廄也馬皆萬匹水衡都尉掌上林苑禽獸屬焉師古曰繕

補也減謂損其數省者全去之

臣光曰忠臣之事君也實其所難則其易者不勞而正補其所

短則其長者不勸而遂孝元踐位之初虛心以問禹禹宜先其

所急後其所緩然則優游不斷譏佞用權當時之大患也而禹

不以爲言恭謹節儉孝元之素志也而禹孜孜言之何哉使禹

之智不足以知烏得爲賢知而不言爲罪愈大矣

匈奴呼韓邪單于復上書言民眾困乏詔雲中五原郡轉穀二萬

斛以給之 是歲初置戊己校尉使屯田車師故地

師古曰戊己校尉者鎮安

西域無常治處亦猶甲乙等各有方位而戊與己四季寄王故以名官也時有戊校尉又有己校尉一說戊與己位在中央今所置校尉在三十六國之中故曰戊己也余謂車師之地不在三十六國之中當從師古前說為是宣帝元康二年以車師地與匈奴今匈奴款附故復屯田故地

初元二年春正月上行幸甘泉郊泰畤 樂陵侯史高以外屬

領尚書事前將軍蕭望之光祿大夫周堪為之副望之名儒與堪

皆以師傅舊恩天子任之數宴見言治亂陳王事望之選白宗室

明經有行散騎諫大夫劉更生給事中

百官表曰散騎加官騎並奏與車師古曰騎而散從

無常職也與侍中金敞竝拾遺左右四人同心謀議勸導上以古制多

所欲匡正上甚鄉納之史高充位而已由此與望之有隙中書令

宏恭

宏姓

僕射石顯自宣帝時久典樞機明習文法帝卽位多疾

以顯久典事中人無外黨精專可信任遂委以政事無大小因顯

伯決

白奏也

貴幸傾朝百僚皆敬事顯顯爲人巧慧習事能探得

人主微指內深賊持詭辨以中傷人忤恨睚眦輒被以危法亦與

車騎將軍高爲表裏議論常獨持故事不從望之等望之等患苦

許史放縱又疾恭顯擅權建白以爲中書政本國家樞機宜以通

明公正處之武帝游宴後庭故用宦者非古制也宜罷中書宦者

應古不近刑人之義

師古曰禮刑人不

由是大與高恭顯忤上初

卽位謙讓重改作議久不定出劉更生爲宗正

散騎給事中中朝官也宗正外朝官

也故

望之堪數薦名儒茂材以備諫官會稽鄭朋陰欲附望之上

嘗言車騎將軍高遣客爲姦利郡國及言許史子弟罪過章視周

堪補冠視應作示謂以堪白令朋待詔金馬門朋奏記望之曰今

將軍規撫云若管晏而休遂行日晏至周召乃留乎問望之立意當趣如管晏

而止欲為快勝其道日晏不食追周召之績然後已乎撫言機當從木若管晏而休則下走將歸延

陵之皇修農圃之疇畜雞種黍沒齒而已矣如將軍興周召之遺

業親日晏之兼聽則下走其庶幾願竭區區奉萬分之一望之始

見朋接待以意後知其傾邪絕不與通朋楚士怨恨張晏曰朋會楚人會稽并

屬更求入許史推所言許史事曰皆周堪劉更生教我我關東人

何以知此於是侍中許章白見朋朋出揚言曰我見言前將軍小

過五大罪一甲書令在旁知我言狀前將軍謂望之也望之聞之以問恭

顯恭顯恐望之自訟漫言應之而已待詔華龍行汙穢欲入堪等

堪等不納亦與朋相結恭顯令二人告望之等謀欲罷車騎將軍

卷之二十一

疏退許史狀

車騎將軍
謂史高

候望之出休日令朋輩上之事下宏恭問

狀望之對曰外戚在位多奢淫欲以匡正國家非為邪也恭顯奏

望之堪更生朋黨相稱舉數譖訴大臣毀離親戚欲以專擅權勢

為臣不忠謹上不道請謁者召致廷尉時上初即位不省召致廷

尉為下獄也可其奏下更生獄後上復召三人左右曰繫獄上

大驚曰非但廷尉問邪以責恭顯皆叩頭謝

補註時下獄者止其
更生而已蕭望之傳

并欠分明今從
劉向傳補明之

上曰令出視事恭顯因使史高言上新即位未以

德化聞天下而先驗師傅既下九卿大夫獄

更生為宗正九卿也
周舉為光祿大夫

宜因決免於是制詔丞相御史前將軍望之傳朕八年

宣帝五年
二年蕭望之

之為太子太傅至

無它罪過今事久遠識忘難明

簡古曰言不能
盡記有遺忘者

故難明

○其赦望之罪收前將軍光祿勳印綬及堪更生皆免為

議當責志

庶人 二月丁巳立弟竟為清河王考異曰荀紀竟作寬今從漢書 戊午隴西

地震敗城郭屋室壓殺人眾考異曰劉向傳云三月立廣陵月地大震今從元紀

冠王子霸為王宣帝五鳳四年廣陵厲王胥以罪自殺今復立其子 詔罷黃門乘與狗

馬師古曰黃門近者也故親幸之 水衡禁園百官表水衡都尉屬官有禁苑等九官令

丞宜春下苑孟康曰宜春宮名也在杜縣東晉灼曰史記云葬二世世杜南宜春苑中師古曰宜春下苑即今京城東南

隅曲江 少府飲飛外池百官表少府屬官有左弋十二官令丞武帝太初元年更名左弋為飲飛飲飛亭弋

射有九丞兩尉如淳曰飲飛具獵繳以射鳬雁給祭祀是故有池也飲飛射人入水斬蛟勇士也故以名官○飲言矢 嚴鎮

池田晉灼曰嚴鎮射苑也許慎曰嚴戎射所蔽也池田苑中田也 假與貧民又詔赦天下舉茂

材異等直言極諫之士 夏四月丁巳立子騫為皇太子 零星

見昂卷舌閒上感悟下詔賜蕭望之爵關內侯給事中朝朔望

關東饑饉地人相食 待詔鄭朋薦太原太守張敞先帝名臣宜

傳。肅皇太子。上以問蕭望之。望之以爲。敝能吏。任治煩亂。材輕非師。傅之器。天子使使者徵。敝欲以爲左馮翊。會病卒。秋七月己酉。地復震。下詔求直言。中郎翼奉奏封事曰。臣聞。入氣內逆。則感動天地。天變見於星氣。日蝕地變。見於奇物。震動所以然者。陽用其精。陰用其形。猶人之有五藏六體。五藏象天。六體象地。故藏病則氣色發於面。體病則欠伸動於貌。今一歲而地再震。陰氣盛矣。古者朝廷必有同姓。以明親親。必有異姓。以明賢賢。此聖王之所以大通於天下也。同姓親而易進。異姓疏而難通。故同姓一異姓五。乃爲平均。今左右無同姓。獨以舅后之家爲親。奢僭過度。甚非後嗣之長策也。陰氣之盛。不亦宜乎。臣又聞。未央建章甘泉宮。才人名以百數。皆不得天性。若杜陵園。其已御見者。臣子不敢有言。

雖然太皇太后之事也及諸侯王國與其後宮宜爲設員出其過制者此招陰氣應天救邪之道也今異至不應災將隨之其法大水極陰生陽反爲大旱甚則爲火災春秋宋伯姬是矣唯陛下裁察上復徵周堪劉更生欲以爲諫大夫宏恭石顯白皆以爲中郎上器重蕭望之不已欲倚以爲相恭顯及許史兄弟侍中諸曹皆側目於望之等更生乃使其外親上變事曰臣聞春秋地震爲在位執政太盛也不爲三獨夫動亦明矣三獨夫謂蕭望之周堪更生霍光也由此觀之二月之地震恭顯必委罪於望之等三人故此奏云然但史失於記載耳前宏恭奏望之等決獄二月地大震恭移病出後復視事天陰雨雪由此言之地動殆爲恭等臣愚以爲宜退恭顯以章蔽善之罰進望之等以通賢者之路如此則太平之門開災異之原塞矣書奏恭顯疑其更生所爲白請

考姦詐辭果服遂逮更生繫獄下太傅韋元成諫大夫貢禹與廷尉雜考劾更生誣罔不道免爲庶人會望之子散騎中郎敞亦上書訟望之前事下有司復奏望之前所坐明白無譖訴者而教子上書稱引無辜之詩史不載敞書不知其所稱引者何詩詩變雅云無罪無辜是口喉敞豈復所引者卽此詩乎失大臣體不敬請逮捕宏恭石顯等知望之素高節不詘辱建白望之前幸得不坐復賜爵邑不悔過服罪深懷怨望教子上書歸非於上自以託師傅終必不坐非頗屈望之於牢獄寒其快心則聖朝無以施恩厚上曰蕭太傅素剛安肯就吏顯等曰人命至重望之所坐語言重罪必無所愛上乃可其奏冬十二月顯等封詔以付謁者敕令召望之手付囚令太常急發執金吾車騎馳聞其第太常掌諸陵縣執金吾掌微諸京師諸望之時居杜陵故令太常發執金吾車騎往圍其第以恐脅之逮其自

也使者至召望之望之以問門下生魯國朱雲者好節士勸望之自裁於是望之仰天歎曰吾嘗備位將相年踰六十矣老入牢獄苟求生活不亦鄙乎字謂雲曰游朱雲字龍趣和藥來無久甯我死遂飲鴆自殺天子聞之驚拊手曰憂固疑其不就牢獄果然殺吾賢傅是時太官方上晝食上乃卻食爲之涕泣哀動左右於是召顯等責問以議不詳皆免冠謝良久然後已上追念望之不忘每歲時遣使者祠祭望之冢終帝之世

臣光曰甚矣孝元之爲君易欺而難悟也夫恭顯之譖訴望之其邪說詭計誠有所不能辨也至於始疑望之不可就獄恭顯以爲必無憂已而果自殺則恭顯之欺亦明矣在中智之君孰不感動奪發以底邪臣之罰也底致孝元則不然雖涕泣不食以

傷望之而終不能誅恭顯纔得其免冠謝而已如此則姦臣安
所懲乎是使恭顯得肆其邪心而無復忌憚者也

是歲宏恭病死石顯為中書令 初武帝滅南越開置珠厓儋耳

郡事見二十卷武在海中洲上師古曰水中可居者曰洲吏卒皆中國人多侵

陵之其民亦暴惡自以阻絕數犯吏禁率數年一反殺吏漢輒發

兵擊定之二十餘年閒凡六反至宣帝時又再反始元五年罷儋耳郡并屬珠厓

至宣帝神爵三年珠厓三縣反即位之明年珠厓山南縣反發

兵擊之諸縣更叛連年不定海中洲上以黎母山為主嶺山列置諸縣山南縣蓋置於黎母山之南也

上博謀於羣臣欲大發軍待詔賈捐之曰捐之時待詔金馬門臣聞堯舜禹

之聖德地方不過數千里西被流沙東漸於海朔南暨聲教訖於

四海言欲與聲教則治之不欲與者不彊治也故君臣歌德含氣

之物各得其宜武丁成王殷周之大仁也然地東不過江黃

杜預曰江

國在汝南安陽縣黃國今七陽縣西不過氐羌南不過蠻荆北不過朔方是以頌

聲竝作視聽之類咸樂其生

改正類字通鑑作物字

越裳氏重九譯而獻此

非兵革之所能致也

張晏曰越裳不著衣裳慕中國化遣譯來著衣裳故曰越裳也歸古曰越裳自是國名非以

屢衣裳始為稱號也王充論衡作越裳此則不作衣裳之字明矣晉志曰吳孫皓置九德郡即周時越裳氏地以至於秦

興兵遠攻貪外虛內而天下潰畔孝文皇帝偃武行文當此之時

斷獄數百賦役輕簡孝武皇帝厲兵馬以攘四夷天下斷獄萬數

賦煩役重寇賊竝起軍旅數發父戰死於前子鬪傷於後女子乘

亭障孤兒號於道老母寡婦飲泣巷哭

師古曰淚流彼而以入于口故言飲泣也巷哭者哭

于路也遽設虛祭想魂平萬里之外是皆靡地秦大征伐不休之故

也今關東民眾久困流離道路人情莫親父母莫樂夫婦至嫁妻

賣子法不能禁義不能止此社稷之憂也今陛下不忍惻惻之忍

心惻惻又急艱貌捐念也憂也詩中欲驅士眾擠之大海之中快心幽冥之地非所

以救助饑饉保全元元也詩云蠢爾蠻荆大邦爲讎師古曰詩小雅采芣之詩

也言聖人起則後服中國衰則先畔自古而患之何況乃復其南

方萬里之蠻乎言珠厓又在蠻荆路越之人今安南之地古之駱越也珠厓蓋亦駱越

地宋白曰高貴二州亦古駱越地父子同川而浴相習以鼻飲范成大曰今越管溪洞及沿海喜鼻

飲適資富以銀錫陶器或大器盛水入甕并山薑汁數滴器數有

竅施管如瓶甕內鼻中吸水升甕下入鼻吸水時含魚肉鮮一嚼

故水得安流入鼻不與氣相激既飲必噫氣謂與禽獸無異本不

足郡縣惜也顓顓獨居一海之中霧露氣溼多毒草蟲蛇水土之

害人未見虜戰士自死又非獨珠厓有珠犀瑋瑁也海中珠池珠母者蚌也

採珠必發丁皆居海艇中以大繩環繞岸以石懸大繩則以小

繩繫艇尾沒水取珠氣迫則扯繩繩動船人登乃絞取人緣大繩

生然而死于探珠者亦多矣此我太祖皇帝所以罷哩氏蝦川都也編古曰犀狀如牛頭如豬而四足類象黑色一角當額前鼻上又有小角對頤頤交州記曰犀其毛如豕蹄有三甲頭如馬有三角鼻上角短額上頭上角長異物志曰角中特有光耀白理如線白本澤末則為通天犀抱朴子曰通天犀有白理如綫者以盛米鵝即駭矣其真者刻為魚形入水水開三尺水草開經云犀出永昌山谷及益州今出南海者為上郭璞爾雅註曰羊三角一在頂上一在額上一在鼻上鼻上者即食角小而不蓄瑋瑋如甯其甲相覆而生若甲然甲上有斑文○棄之不足惜不擊不損威其民瑋瑋音代妹瑋音禮上音和音更

轉猶魚鱗何足食也臣竊以往者羌軍言之

此蓋指宣帝時
元年羌反時暴師

曾未一年兵出不踰千里費四十餘萬萬大司農錢盡乃以少府

禁錢續之

續漢志大司農掌諸錢錢穀金帛諸貨幣邊郡諸官請調度者皆為報給損多益寡取相給足百官表少府掌山

林池澤之稅以給供養應劭註曰名曰禁錢以給私養自別為藏少者小也故稱少府師古曰大司農供軍國之用少府以養天子

也

夫一隅為不善費尙如此況於勞師遠攻亡士毋功乎求之往

古則不合施之當今又不便臣愚以為非冠帶之國禹貢所及春

秋所治皆可且無以爲顧遂棄珠厓專用恤關東爲憂上以問丞相御史御史大夫陳萬年以爲當擊丞相于定國以爲前日與兵擊之連年護軍都尉校尉及丞凡十一人還者二人卒士及轉輸死者萬人以上費用三萬萬餘尙未能盡降今關東困乏民難搖動捐之議是上從之捐之賈誼曾孫也

乙初元三年春詔曰珠厓虜殺吏民背畔爲逆今廷議者或言可擊或言可守或欲棄之其指各殊朕日夜惟思議者之言羞戚不行則欲誅之狐疑辟難則守屯田通乎時變則憂萬民夫萬民之飢餓與遠蠻之不討危孰大焉且宗廟之祭凶年不備王制家宰年之豐耗祭用數之節鄭氏曰算今年一歲經用之數用其什一夫以凶年之入制經用之什一以備祭則宗廟之祭宜有不備者矣○何音勸況乎避不嫌之辱哉言厭也意自足也今關東大

困倉庫空虛無以相贍又以勦兵非特勞民凶年隨之其罷珠厓
郡民有慕義欲內屬便處之便處者各隨其所欲而處之也不欲勿彊夏四月

乙未晦茂陵白鶴館災赦天下翼奉以其言驗更上疏言祀天地
于雲陽汾陰及諸寢廟不以親疏迭毀為違古制且勸上遷都洛
陽上不用旱立長沙煬王弟宗為王長沙煬王且定王發之元孫初元元年薨無後

今立其弟紹封

長信少府貢禹上言諸離宮及長樂宮衛可減其大半

以寬繇役

繇音

六月詔曰蓋聞安民之道本由陰陽閏者陰陽錯

謬風雨不時朕之不德庶幾羣公有敢言朕之過者今則不然媮
合苟從未可極言朕甚閔焉永惟烝庶之饑寒遠離父母妻子勞
於非業之作衛於不居之宮恐非所以佐陰陽之道也其罷甘泉
建章宮衛令就農百官各省費條奏毋有所諱是歲上復擢周

通鑑纂要 元祐初元三年四年五年

堪為光祿職堪弟子張猛為光祿大夫給事中太見信任猛焉之孫也

初元四年春正月上行幸甘泉郊泰畤三月行幸河東祠后土赦汾陰徒

丁初元五年春正月以周子南君姬延為周承休侯文穎曰延祖父姬嘉本周

後武帝元鼎四年封子南君奉周祀師古曰承休侯國在潁川三月上行幸雍祠五畤夏四

月有星孛於參天文志參為白虎三星直者是為衡石下有三星銳曰罰為斬艾事其外四星左右肩股也

上用諸儒貢禹等之言詔太官毋日殺所具各減半乘輿秣馬無

乏正事而已師古曰秣養馬以粟秣食之也正事謂為供祭祀蒐狩之事非游田者也罷角抵上林宮

館希御幸者角抵見三十一卷武帝元封三年齊三服官北假田官晉灼曰何假田秦始皇渡

河據陽山北假中王莽傳五原北假膏壤殖穀北假地名鹽鐵官郡道元曰自高閼以東夾山帶河陽山以西皆北假也

常平倉

武帝置鹽鐵官
宣帝置常平倉

博士弟子毋值員以廣學者

武帝爲博士
官置弟子五

十人昭帝增弟子員滿百人宣帝末增倍之今不限
員數以廣學者後數年以用度不足更爲裁員千人令民有能通
一經者皆復省刑罰七十餘事

陳萬年卒六月辛酉長信少府

貢禹爲御史大夫禹前後言得失書數十上其言曰古者民無賦
筭口錢起於武帝征伐四夷重賦于民民產子三歲則出口錢故
民重困至於生子輒殺甚可悲痛宜令兒七歲去齒乃出口錢二
十乃筭禹又言古者不以金錢爲幣專意於農今漢家鑄錢及諸
鐵官皆置吏卒徒攻山取銅鐵一歲功十萬人以上中農食七人
是七十萬人常受其饑也鑿地數百丈銷陰氣之精地藏空虛不
能含氣出雲水旱之災未必不由此也自五銖錢起以來七十餘
年民坐盜鑄被刑者眾富人積錢滿室猶無厭足民心搖動商賈

元帝初元五年

求利東西南北各用智巧好衣美食歲有十二之利而不出稅租

農夫父子暴露中野不避寒暑捫草把土手足胼胝胼胝音駢支已奉

穀租又出豪稅鄉部私求不可勝供故民棄本還末耕者不能半

貧民雖賜之田猶賤賣以買何者末利深而惑於錢也是以奸邪

不可禁其原皆起於錢也疾其末者絕其本宜罷採珠玉金銀鑄

錢之官無復以爲幣市井勿得販賣除其租錙之律租稅祿賜皆

以布帛及穀使百姓一歸于農復古道便又言諸官奴婢十餘萬

人游戲無事稅良民以給之歲費五六鉅萬宜免爲庶人粟食令

代關東戍卒乘北邊亭塞候望又欲令近臣自諸曹侍中以上家

無得私販賣與民爭利犯者輒免官削爵不得仕宦又言孝文皇

帝時貴廉潔賤貪汙賈人贅壻及吏坐贓者皆禁錮不得爲吏賞

善罰惡不阿親戚無贖罪之法故令行禁止海內大化武帝始臨天下尊賢用士關地廣境數千里自見功大威行遂縱嗜慾用度不足乃使犯法者贖罪入穀者補吏是以天下奢侈官亂民貧盜賊竝起亡命者眾郡國恐伏其誅則擇便巧史書習於計簿能欺上府者以爲右職奸軌不勝則取勇猛能操切百姓者使居大位故無義而有財者顯于世欺謾而善書者尊于朝諱逆而勇猛者貴于官故俗皆曰何以孝弟爲財多而光榮何以禮義爲史書而仕宦何以謹慎爲勇猛而臨官故黥劓而髡鉗者猶復攘臂爲政於世行雖犬彘家富勢足目指氣使是爲賢耳故謂居官而致富者爲雄傑處奸而得利者爲壯士兄勸其弟父勉其子俗之敗壞乃至於是察其所以然者皆以犯法得贖罪求仕不得眞賢相守

崇財利誅不行之所致也今欲興至治致太平宜除贖罪之法相
守選舉不以實及有賊者輒行其誅無但免官則爭盡力爲善貴
孝弟賤賈人進眞賢舉實廉而天下治矣上嘉其質直多采用之

匈奴郅支單于自以道遠又怨漢擁護呼韓邪而不助己困辱

漢使者江乃始等遣使奉獻因求侍子

郅支遣子入侍見上

漢議

遣衛司馬谷吉送之

谷姓

御史大夫貢禹博士匡衡以爲郅支單

于鄉化未醕所在絕遠宜令使者送其子至塞而還吉上書言中
國與夷狄有羈縻不絕之義今旣養全其子十年德澤甚厚空絕
而不送近從塞還示棄捐不畜使無鄉從之心棄前恩立後怨不
便議者見前江乃始無應敵之數智勇俱困以致恥辱卽豫爲臣
憂臣幸得建疆漢之節承明聖之詔宜諭厚恩不宜敢桀若懷禽

獸心加無道於臣則單于長嬰大罪必遁逃遠舍不敢近邊沒一

使以安百姓國之計臣之願也願送至庭于庭也上許焉既至郅

支單于怒竟殺吉等考異曰陳湯傳初元四年郅支求侍子元帝紀五年谷吉使匈奴不還湯傳又云御史大夫貢禹議吉不可遣按禹今年六月始為御史大夫

或者郅支以四年求侍子而吉以五年使匈奴也自知負漢又

聞呼韓邪益彊恐見襲擊欲遠去會康居王數為烏孫所困與諸

翁侯計以為匈奴大國烏孫素服屬之今郅支單于困阨在外可

迎置東邊使合兵取烏孫而立之師古曰言與郅支并力共滅烏孫以其地立郅支令居之也

長無匈奴憂矣即使使至堅昆通語郅支宣帝黃龍元年郅支素

恐補注郅支素恐者恐近漢而為其所伐也又怨烏孫怨烏孫事亦見上卷黃龍元年聞康居計大說

遂與相結引兵而西郅支人眾中寒道死餘財三千人到康居康

居王以女妻郅支郅支亦以女予康居王康居甚尊敬郅支欲倚

資治通鑑補卷二十一漢紀二十一十四思補樓

其威以脅諸國郅支數借兵擊烏孫深入至赤谷城殺略民人毆

畜產去烏孫不敢追西邊空虛不居者五千里

西域傳烏孫國治赤谷城西至康居

蕃地五千里若曰空虛者五千里則自赤谷以西皆不居矣此已抵其國都不當云西邊也陳湯傳作且千里當從之

匡衡

者東海人也祖父世爲農夫至衡好學家貧苦無燭鄰舍有燭而不逮衡乃穿壁引光以讀書邑有大姓多藏書衡乃與之傭作而不求償主人怪問之衡曰願得主人書徧讀之足矣主人感歎資給以書遂成大學衡於書無所不讀而尤長於詩諸儒爲之語曰無說詩匡鼎來

來叶

匡說詩解人頤鼎衡小名也射策甲科補平

原文學長安令楊興說樂陵侯史高曰以將軍之幕府海內莫不仰望而所舉不過私門賓客乳母子弟夫富貴在身而烈士不譽是有狐白之裘而反衣之也平原文學匡衡材知有餘經學絕倫

將軍誠召置莫府學士翕然歸仁矣高乃薦於上上以為郎中選博士冬十二月丁未賈禹卒丁巳長信少府粹廣德為御史大夫廣德沛郡相人也以韓詩教授楚國黜望之數與論議器之薦其經行宜充本朝累遷為長信少府遂代賈禹之任廣德為人溫雅有蘊藉及為三公能直言諫諍

詔永光元年春正月上行幸甘泉郊泰畤禮畢因畱射獵粹廣德上誓曰竊見關東困極人民流離陛下日擢亡秦之鐘聽鄭衛之

樂臣誠悼之今士卒暴露從官勞倦

應劭曰從官謂宦者及虎賁羽林太醫太官是也師古曰

從官親近天子常侍從者皆是也

願陛下亟反官恩與百姓同憂樂天下幸甚上

即日還二月詔丞相御史舉質樸敦厚遜讓有行者光祿歲以

此科第郎從官

師古曰始令丞相御史舉此四科人而擢用之而見在即及從官又令光祿每歲依此科考校定其

第高下用知
其人賢否也

三月赦天下

雨雪隕霜殺桑

四月日色青白

無景正中時有景無光至九月日乃有光

秋上酎祭宗廟出便

門師古曰便門長安城南面西頭第一門○酈音山

欲御樓船辭廣德當乘輿車免冠頓

首曰宜從橋詔曰大夫冠廣德曰陛下不聽臣臣白刎以血汗車

輪陛下不得入廟矣

師古曰以見死傷犯於齋潔不得入廟祠也

上不悅先殿光祿大

夫張猛進曰臣聞主聖臣直乘船危就橋安聖主不乘危御史大

夫言可聽上曰曉人不當如是邪乃從橋

九月隕霜殺稼天下

大饑丞相于定國大司馬車騎將軍史高御史大夫薛廣德俱以

災異乞骸骨皆賜安車駟馬黃金六十斤罷太子太傅韋元成爲

御史大夫

者異曰百官表七月癸未大司馬高免卒亥韋元成爲御史大夫十一月戊寅丞相定國免初紀七月己未高

免薛廣德傳則祭後月餘以歲意民流乞骸骨罷廣德爲御史大夫凡十月免月日參差未知孰是故皆沒不書

廣德歸

縣其安車以傳示子孫為榮 帝之為太子也從太中大夫孔霸

受尚書及即位賜霸爵關內侯號襲成君給事中上欲致霸相位

霸為人謙退不好權勢常稱爵位太過何德以堪之御史大夫壓

缺上輒欲用霸霸讓位自陳至於再三上深知其至誠乃弗用以

是故之賞賜甚厚 戊子侍中衛尉王接為大司馬車騎將軍

昌族王無故之子 石顯憚周堪張猛等數譖毀之劉更生懼其傾危上

書曰臣聞舜命九官師古曰尚書禹作司空堯后稷契司徒皋陶

言凡九 濟濟相讓和之至也眾臣和於朝則萬物和於野故蕭詠

九成鳳皇來儀師古曰韶舜樂名舉簫管之屬示其備也於 及至

周文開基西郊雜還眾賢罔不肅和崇推讓之風以銷分爭之訟

文王既沒周公思慕歌詠文王之德其詩曰於穆清廟肅雍顯相

賁治道鑑補卷二十八 漢紀二十 十六

濟濟多士秉文王之德當此之時武王周公繼政朝臣和於內萬國驩於外故盡得其驩心以事其先祖其詩曰有來雍雍至止肅肅相雜辟公天子穆穆言四方皆以和來也諸侯和於下天應報於上故周頌曰降福穰穰又曰貽我來牟來牟麥也始自天降此皆以和致和獲天助也至周幽厲之際朝廷不和轉相非怨則日月薄食水泉沸騰山谷易處師古曰薄迫也謂被掩迫也沸湧出也騰乘也言百川沸湧而相乘陵山頂隆高而並崩謂正月繁霜也正月夏霜降失節謂正月繁霜也正月夏壞陵谷易處謂正月繁霜也正月夏由此觀之和氣

致祥乖氣致異祥多者其國安異眾者其國危天地之常經古今之通義也今陛下開三代之業招文學之士優游寬容使得並進今賢不肖渾殺白黑不分邪正雜糅忠讒並進章交公車人滿北

軍

如京曰漢儀注中壘校尉主北軍壘門內別一人主上書者俱上章於公車有不加法者以付北軍尉以法治之

上書送南北圖師古曰言志意不和各相更

北圖公車所在

憲背○外音獨刺音據

相譏剋轉相是非所以獎惑耳目感移心意不可勝載分曹爲黨
往往羣朋將同心以陷正臣正臣進者治之表也正臣陷者亂之
機也乘治亂之機未知孰任而災異數見此臣所以寒心者也天
乘權藉勢之人子弟鱗集於朝羽翼陰附者眾輻輳於前毀譽將
必用以終乖離之咎是以日月無光雪霜夏隕海水沸出陵谷易
處列星失行皆怨氣之所致也夫遵衰周之軌迹循詩人之所刺
而欲以成太平致雅頌猶卻行而求及前人也初元以來六年矣
按春秋六年之中災異未有稠如今者也原其所以然者由譏邪
竝進也譏邪之所以竝進者由上多疑心旣已用賢人而行善政
如或譖之則賢臣退而善政還矣師古曰還夫執狐疑之心者來

謂收還也

讒賊之口持不斷之意者開羣枉之門讒邪進則眾賢退羣枉盛則正士消故易有否泰小人道長君子道消則政日亂君子道長小人道消則政日治昔者蘇其工驪兜與舜禹雜處堯朝周公與管蔡竝居周位當是時迭進相毀流言相謗豈可勝道哉帝堯成王能賢舜禹周公而消其工管蔡故以大治榮華至今孔子與季孟偕仕於魯李斯與叔孫俱宦於秦師古曰叔孫者叔孫通也定公始皇賢季孟李斯而消孔子叔孫故以大亂汙辱至今故治亂榮辱之端在所信任信任既賢在於堅固而不移詩云我心匪石不可轉也師古曰此詩柏舟之詩也言石性雖堅尚不可轉移已志須難執德不傾過于石也言守善篤也易曰渙汗其大號師古曰此易渙卦九五爻辭也言號令如汗汗出而不反者也今出善令未能踰時而反是反汗也用賢未能三旬而退是轉石也論語曰見

不善如探湯今二府奏佞謂不當在位歷年而不夫故出令則如反汗用賢則如轉石去佞則如拔山如此望陰陽之調不亦難乎

是以羣小窺見閒隙緣飾文字巧言醜詆流言飛文譁於民間

孔達曰龍淵造作虛語使人傳之如木之流然故爾

之流言爲飛書以惑毀若今之匿名書曰飛文故詩云憂心忡忡

惓惓于羣小小人成羣誠足慍也昔孔子與顏淵子夏更相稱譽

不爲朋黨禹稷與皋陶傳相汲引不爲比周何則忠於爲國無邪

心也故賢人在上位則引其類而聚之於朝易曰飛龍在天大人

聚也在下位則思與其類俱進易曰拔茅茹以其彙征吉在上則

引其類在下則推其類故湯用伊尹則不仁者遠而眾賢至類相

致也今佞邪與賢臣竝交戰之內師古曰交戰謂相害者合黨共謀違善依

惡歛歛訛訛詩小旻篇數設危險之言欲以傾移主上如忽然用

之此天地之所以先戒災異之所以重至者也自古明聖未有無
誅而治者也故舜有四放之罰孔子有兩觀之誅然後聖化可得
而行也今以陛下明知誠深思天地之心覽否泰之卦歷周唐之
所進以爲法原秦魯之所消以爲戒師古曰歷謂歷朝之原謂思其本也考祥應之
福竄災異之禍以揆當世之變放遠佞邪之黨壞散險陂之聚杜
閉羣枉之門廣開眾正之路決斷狐疑分別猶豫使是非炳然可
知則百異消滅而眾祥並至太平之基萬世之利也願見其書愈
與許史比而怨更生等是歲夏寒日青無光顯及許史皆言堪猛
用事之咎上內重堪又患眾口之浸潤無所取信時長安令楊興
以材能幸常稱譽堪上欲以爲助乃見問興朝臣斷斷不可光祿
勳何邪師古曰斷斷然疾之意也興者傾巧士謂上疑堪因順指曰堪非獨不

可於朝廷自州里亦不可也

周禮五黨爲州五家爲鄰五隣爲里漢人謂同州鄉而居者爲州里

見眾人間堪與劉更生等謀毀骨肉以爲當誅故臣前書言堪不可誅傷爲國養恩也上曰然此何罪而誅今宜奈何與曰臣愚以爲可賜爵關內侯食邑三百戶勿令典事明主不失師傅之恩此最策之得者也上於是疑之司隸校尉琅邪諸葛豐始以剛直特立勅舉無所避京師爲之語曰閒何闊逢諸葛時侍中許章以外屬貴幸者淫不法賓客犯事與章相連豐欲奏其事適逢許侍中私出豐駐車舉節欲收之章窘迫馳車去自歸于上豐亦上奏於是收豐節司隸去節自豐始豐乃上書曰臣聞伯奇孝而棄于親子胥忠而誅于君隱公慈而殺于弟叔武弟而殺于兄夫以四子之行然猶不能自顯而被刑戮豈不足以觀哉上終不用其言在

位者遂多言其短後坐春更繫治人

春夏生長之時故仲春省國圖去桂枯保舉揀止致發仲

夏延重囚益其食春夏而繫治人爲不順天時徙城門校尉豐於是上書告堪猛罪上不

直豐乃制詔御史城門校尉豐前與光祿勳堪光祿大夫猛在朝

之時數稱言堪猛之美豐前爲司隸校尉不順四時修法度專作

苛暴以獲虛威朕不忍下吏以爲城門校尉

百官表城門校尉掌京師十二城門屯兵

不內省諸已而反怨堪猛以求報舉

師古曰言舉其事以報怨

告按無證之辭

暴揚難驗之罪毀譽恣意不顧前言不信之大者也朕憐豐之耆

老不忍加刑其免爲庶人又曰豐言堪猛貞信不立朕閔而不治

又惜其材能未有所效其左遷堪爲河東太守猛槐里令

槐里周之犬邱

榮曰廢邱高帝二年改曰槐里屬右扶風

臣光曰諸葛豐之於堪猛前譽而後毀其志非爲朝廷進善而

去姦也欲比周求進而已矣斯亦卿朋楊興之流烏在其爲剛
直哉人君者察美惡辨是非賞以勸善罰以懲姦所以爲治也
使豐言得實則豐不當黜若其誣罔則堪猛何辜焉今兩實而
俱棄之則美惡是非果安在哉

賈捐之與楊興善捐之數短石顯以故不得官稀復進見興新以

材能得幸捐之謂興曰京兆尹缺使我得見言君蘭張晏曰楊京

兆尹可立得興曰君房下筆言語妙天下賈捐之使君房爲尙書

令勝五鹿充宗遠甚前漢志曰尙書令丞奏所置武備用官者更

宗爲尙書令廷捐之曰令我得代充宗君蘭爲京兆京兆郡國首

尙書百官本天下眞大治士則不隔矣捐之復短石顯興曰顯方

貴止信用之今欲進第從我計且與合意即得入矣捐之即與興

其爲薦顯奏稱舉其美以爲宜賜爵關內侯引其兄弟以爲諸曹
又其爲薦興奏以爲可試守京兆尹石顯聞知白之上乃下興捐
之獄令顯治之奏興捐之懷詐僞更相薦舉欲得大位罔上不道
刑之竟坐棄市興髡鉗爲城旦

臣光曰君子以正攻邪猶懼不克況捐之以邪攻邪其能免乎
徙清河王竟爲中山王 先是上遣韓昌張猛送呼韓邪單于侍
子至塞下見單于民衆益盛塞下禽獸盡單于足以自衛不畏鄧
支又聞其大臣多勸單于北歸者恐就夫後難於約束乃與單于
漢大臣俱齎諸水東山以盟單于以徑路刀金蘭棗饒酒以老上
單于所破月氏王頭爲飲器者其飲血盟曰自今以來漢與匈奴
爲一家世世無得相詐相攻敢先背約者受天不祥至是單于寬

北歸庭民眾稍稍歸之其國遂定

己卯永光二年春二月赦天下 丁酉御史大夫韋元成爲丞相復

封扶陽侯右扶風鄼宏爲御史大夫初元成之嗣封扶陽也以列

侯侍祀孝惠廟當晨入廟天雨淖不駕駟馬車而騎至廟下有司

劾奏元成與等輩數人皆削爵爲關內侯元成自傷貶黜父爵歎

曰吾何面目以奉祭祀作詩自劾責且自厲曰誰謂華高企其齊

而誰謂德難厲其庶而至是當封得復舊國元成又作詩自著復

玷缺之艱難因以戒示子孫初賢以明經爲相至元成復以明經

繼父位故鄒魯之閒爲之諺曰遺子黃金滿篋不如一經 三月

壬戌朔日有食之 夏六月赦天下 上問給事中匡衡以地震

日食之變匡衡時以博士給事中衡上疏曰陛下躬聖德開太平之路閔愚

吏民觸法抵禁比年大赦使百姓得改行自新天下幸甚臣竊見
大赦之後姦邪不爲衰止今日大赦明日犯法相隨入獄此殆導
之未得其務也今天下小俗貪財賤義好聲色上侈靡親戚之恩薄
婚姻之黨隆苟合微倖以身設利不改其原雖歲赦之刑猶難使
錯而不用也臣愚以爲宜壹曠然大變其俗夫朝廷者天下之楨
幹也楨幹版築之具
題曰楨旁曰幹公卿大夫相與循禮恭讓則民不爭好仁樂
施則下不暴上義高節則民興行寬和柔惠則眾相愛四者明王
之所以不嚴而成化也朝有變色之言則下有爭鬪之患上有自
專之士則下有不讓之人上有克勝之佐則下有傷害之心上有
好利之臣則下有盜竊之民此其本也治天下者審所上而已師
古
日上謂
崇尚也教化之流非家至而人說之也賢者在位能者布職朝廷

崇禮百僚敬讓道德之行由內及外自近者始然後民知所法遷

善曰進而不自知也詩曰商邑翼翼四方之極鄭古曰商頌殷武

也極中也言商邑之禮俗翼翼然可則就是乃四方之中正也今長安天子之都親承聖化然其

習俗無以異於遠方郡國來者無所法則或見侈靡而放效之此

教化之原本風俗之樞機宜先正者也臣聞天人之際精祲有以

相盪李奇曰設氣也言天人精氣相動也師古曰疎謂陰陽之氣相浸漸以成災祥者也善惡有以相推事

作乎下者象動乎上陰變則靜者動陽蔽則明者晦鄭展曰靜者

明者晦謂日食也水旱之災隨類而至陛下祇畏天戒哀閔元元宜省靡

麗考制度近忠正遠巧佞以崇至仁匡失俗道德宏於京師淑問

淑善也揚乎疆外然後大化可成禮讓可興也上說其言遷衡爲

光祿大夫

荀悅論曰夫赦者權時之宜非常典也漢興承秦兵革之後大

愚之世比屋可刑故設三章之法大赦之令

約法三章事見九
卷高帝元年赦自

古有之至於大赦則始於秦高祖既并天
下即皇帝位大赦天下後世因之爲永制鴻濛穢流與民更始

時勢然也後世承業襲而不革失時宜矣若惠文之世無所赦

之若孝景之時七國皆亂異心竝起姦詐非一及武帝末年賦

役繁興羣盜竝起加以太子之事巫蠱之禍天下紛然百姓無

聊及光武之際撥亂之後如此之比宜爲赦矣

秋七月隴西羌多姐笏種反

多音三又音
姐音紫

詔召丞相韋元成等入

議是時歲比不登朝廷方以爲憂而遭羌變元成等漠然莫有對

者右將軍馮奉世曰羌虜近在竟內背畔不以時誅無以威制遠

蠻臣願帥師討之上問用兵之數對曰臣聞善用兵者役不再興

糧不三載故師不久暴而天誅亟決往者數不料敵而師至於折

傷再三發調

爾志謂漢書作朝莊公朝推也惟南子云內得精車而餘

則曠日煩費威武虧矣

今以虜無慮三萬人

爾古曰無慮舉凡之言無小思慮而大計也

法當倍用六萬人然

羌戎弓矛之兵耳器不犀利

音均曰犀堅也

可用四萬人一月足以決丞

相御史兩將軍

兩將軍車騎將軍王接左將軍許嘉也

皆以爲民方收斂時未可多

發發萬人屯守之且足奉世曰不可天下被饑饉士馬羸耗守戰

之備久廢不簡夷狄皆有輕邊吏之心而羌首難今以萬人分屯

數處虜見兵少必不畏懼戰則挫兵病師守則百姓不救如此怯

弱之形見羌人乘利諸種竝和相扇而起臣恐中國之役不得止

於四萬非財幣之所能解也故少發師而曠日與一舉而疾決利

害相均也固爭之不能得有詔益二千人於是遣奉世將萬二千

元帝永光二年

人騎以將屯為名龜占曰且云領兵典屬國任立護軍都尉韓昌

為偏裨到隴西分屯三處任立為右軍屯白石韓昌為前軍昌先

遣兩校尉與羌戰羌眾盛多皆為所破殺兩校尉奉世具上地形

部眾多少之計願益三萬六千人乃足以決事書奏天子大為發

兵六萬餘人八月拜太常弋陽侯任千秋為奮武將軍以助之昭

時官以捕上官桀功封弋陽侯千秋其子也冬十月兵舉至隴西

十一月竝進羌虜大破斬首數千級餘皆走出塞兵未決聞漢復

發募士萬人拜定襄太守韓安國為建威將軍未進聞羌破而還

詔罷吏士頗留屯田備要害處要出者在我焉是年八月天雨

草而葉相樛結大如彈丸爾考京房易傳曰君若于

資治通鑑補卷二十八終

資治通鑑補卷第二十九

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀二十一

起永光三年盡章帝元年凡六年

孝元皇帝下

永光三年春二月馮奉世還京師更為左將軍賜爵關內侯

三月立皇子康為濟陽王夏四月平昌考侯王接薨秋七月

壬戌以平恩侯許嘉為大司馬車騎將軍冬十一月己丑地震

雨水復鹽鐵官置博士弟子員千人罷鹽鐵官博士弟子毋置員事見上卷初元五年

以用度不足民多復除無以給中外繇役故也

辛永光四年春二月赦天下 三月上行幸雍祠五時 夏六月

甲戌孝宣闕東闕災 戊寅晦日有食之上於是召諸前言日變

在周堪張猛者責問皆稽首謝因下詔稱堪猛之美徵詣行在所

拜禮為光祿大夫秩中二千石領尚書事猛復為太中大夫給事

中 初貢禹奏言孝惠孝景廟皆親盡按貢禹傳定漢宗廟方毀法毀之禮未及施行

而卒其後孝元成等毀廟之議又不純用禹說觀其奏言 及郡國

天子七廟孝惠孝景廟宜毀以悼考廟為七廟也 及郡國

廟不應古禮立正定惠帝尊高帝廟為太祖廟景帝尊文帝廟為

帝復為武帝為世宗廟行所當奉郡國各立太祖太廟太廟宜

十八合百六十七所春秋之義天子不祭于下土諸侯故以爲不應

古天子是其議采及施行而禹卒至是乃下詔先讓罷郡國廟承

相章元成等奏議曰臣聞祭非自外至者也由中出生於心也故

惟聖人爲能享帝孝子爲能享親立廟京師之居躬親承事四海

之內各以其職來助祭尊親之大義五帝三王所共不易之道也
詩曰有來雍雍至止肅肅相維辟公天子穆穆春秋之義父不祭
於支庶之宅君不祭於臣僕之家王不祭於下土諸侯臣等愚以
爲宗廟在郡國者宜勿復修奏可秋七月戊子罷昭靈后武哀王
昭哀后衛思后戾太子戾后園皆不奉祠裁置吏卒守焉冬十月
乙丑罷祖宗廟在郡國者 諸陵分屬三輔師古曰先是諸陵總
屬太常今各以其地
界屬以渭城壽陵亭部原上爲初陵服虔曰元帝所置陵
也未有名故曰初詔曰安
土重遷黎民之性骨肉相附人情所願頃者有司緣臣子之義奏
徙郡國民以奉園陵令百姓遠棄先祖墳墓破業失產親戚離別
人懷思慕之心家有不安之意非久長之策也今所爲初陵勿置
縣邑使天下咸安土樂業亡有搖動之心

壬午永光五年春正月上行幸甘泉郊泰畤 三月幸河東祠后土

秋潁川水流殺人民 冬上幸長楊射熊館師古曰長楊宮名也在整屋縣其中

有射熊館大獵 十二月羣元成等奏曰祖宗之廟世世不毀繼祖以

下五廟而迭毀今高皇帝為太祖孝文皇帝為太宗孝景皇帝為

昭孝武皇帝為穆孝昭皇帝與孝宣皇帝俱為昭皇考廟親未盡

皇考廟乃悼皇考廟也宣帝之父於元帝為祖故曰親未盡太上皇孝惠廟皆親盡宜毀乙酉

毀太上皇孝惠皇帝寢廟園 上好儒術文辭頗改宣帝之政言

事者多進見人人以為得上意又傳昭儀及子濟陽王康愛幸外戚

傳曰元帝加昭儀之號位視丞相此請侯王師古曰昭顯其儀示隆重也逾於皇后太子太子少傅

匡衡上疏曰臣聞治亂安危之機在乎審所用心蓋受命之王務

在創業繼統傳之無窮繼體之君心存於承宣先王之德而褒大

其功昔者成王之嗣位思述文武之道以養其心休烈盛美歸之
二后而不敢專其名是以上天歆享鬼神祐焉陛下聖德天授子
愛海內然而陰陽未和姦邪未禁者殆議者未丕揚先帝之盛功
爭言制度不可用也務變更之所更或不可行而復復之是以羣
下更相是非吏民無所信臣竊恨國家釋樂成之業而虛爲此紛
紛也願陛下詳覽統業之事而神於遵制揚功遵先王之法制揚先帝之功烈也
以定羣下之心詩大雅曰無念爾祖聿修厥德爾古曰大雅文王之詩也無念尔也
聿述也蓋至德之本也傳曰審好惡理情性而王道畢矣衛守詩學此必詩傳
之治性之道必審己之所有餘而強其所不足蓋聰明疏通者戒
於太察寡聞少見者戒於雍蔽勇猛剛强者戒於太暴仁愛溫良
者戒於無斷湛靜安舒者戒於後時湛音沈廣心浩大者戒於遺忘

必審己之所當戒而齊之以義然後中和之化應而巧僞之徒不敢比周而望進唯陛下戒之所以崇聖德也臣又聞室家之道修則天下之理得故詩始國風禮本冠婚始乎國風原性情以明人倫也本乎冠婚正基兆以防未然也福之興莫不本乎室家道之衰莫不始乎梱內故聖王必慎妃后之際別適長之位禮之於內也卑不踰尊新不先故所以統人情而理陰陽也其尊適而卑庶也適子冠乎阼禮之用醴補註禮冠義曰冠於阼階以著代也醴於客位註云阼主階也適子冠於阼若不醴則醴用酒於客位敬而成之也戶西爲客位庶子冠於房戶外又因醴焉不代父也冠禮醴重而醴輕不醴則不爲改冠改冠當醴之 眾子不得與列所以貴正體而明嫌疑也非虛加其禮文而已乃中心與之殊異故禮探其情而見之外也聖人動靜游宴所親物得其序則海內自修百姓從化如當親者疏當尊者卑則佞

巧之姦因時而動以亂國家故聖人慎防其端禁於未然不以私

恩害公義傳曰正家而天下定矣師古曰易家人卦之彖辭初武帝既塞宣

房事見二十一卷後河復北決於館陶館陶縣屬魏郡河水自此

別出為屯氏河東北至渤海武縣入海通魏郡清河信都渤海

四郡行千五百里肅建屯氏河漢紀隋傳政即今衛河也在東昌府館陶縣西二里原自衛輝府衛縣

東北流至臨清與會通河合流入海東北入海廣深與大河等故

因其自然不隄塞也是歲河決於清河靈鳴犢口而屯氏河絕唐

志云靈鳴犢口在清河東界師古曰清河之靈縣鳴犢河口也按唐博州高唐縣漢靈縣地鳴犢河在縣西宋白曰魏州夏津縣本漢靈縣地漢初為鄆縣故城在今德州西南五十里天寶元年

改為夏津縣建昭元年春正月戊辰隕石於梁國三月上行幸雍祠五時

秋八月有白蛾羣飛蔽日從東都門至枳道冬河閒王元坐

賊殺不辜廢遼陽陵元河閒獻王德之來孫也罷孝文太后季昭太后寢園

元帝永光五年建昭元年二年

上幸虎園關獸後宮皆坐熊逸出園攀檻欲上殿左右貴人傅
健仔等皆驚走馮健仔直前當熊而立左右格殺熊上問人精驚
懼何故前當熊健仔對曰猛獸得人而止妾恐熊至御座故以身
當之帝嗟歎倍敬重焉傅健仔慙由是與馮健仔有隙為後傳太
后誣殺中

山馮太
后張本

馮健仔左將軍奉世之女也

甲建昭二年春正月上行幸甘泉郊泰畤三月行幸河東祠后

土夏四月赦天下六月立皇子興為信都王東郡京房學

易於梁人焦延壽

董正工曰京房本姓李吹律自定為京氏洪武
釋云漢中黃門譙敏碑云其先故國師譙

傳者與京君房此碑以焦頤為譙左傳楚師伐陳
取焦夷莊謂焦今譙縣皆是則焦譙可以通用延壽常卜得我

道以亡身者京生也其說長於災變分六十卦更直日用事以風

雨溫寒為候

孟康曰分卦值日之法一爻各主一日六十卦為三
百六十日餘四卦實餘兌坎為方伯監司之官所

用震離兌坎者是二至二分用事之日又是四時各
有占驗房
用之尤精以孝廉爲郎上疏展言災異有驗天子說之數召見問

房對曰古帝王以功舉賢則萬化成瑞應著末世以毀譽取人故

功業廢而災異宜令百官各試其功災異可息詔使房作其事

房奏考功課吏法

晉灼曰令承尉治一縣崇教化亡犯法者轉遷有盜賊滿三日不覺者尉尉事也令提之自除

承尉負其罪率相準如此法

上令公卿朝臣與房會議溫室皆以房言煩碎令

上下相司不可許上意鄉之時部刺史奏事京師上召見諸刺史

令房曉以課事刺史復以爲不可行

武帝置十三州刺史各唯御部一州故曰部刺史

史大夫鄭宏光祿大夫周堪初言不可後善之是時中書令石顯

顯權顯友人五鹿充宗爲尙書令二人用事房嘗宴見問上曰幽

厲之君何以危所任者何人也上曰君不明而所任者巧佞房曰

知其巧佞而用之邪將以爲賢也上曰賢之房曰然則今何以知其不賢也上曰以其時亂而君危知之房曰若是任賢必治任不肖必亂必然之道也幽厲何不覺悟而更求賢曷爲卒任不肖以至於上是上曰臨亂之君各賢其臣令皆覺悟天下安得危亡之君房曰齊桓公秦二世亦嘗聞此君而非笑之然則任賢才趙高政治日亂盜賊滿山何不以幽厲卜之而覺寤乎上曰唯有迫者能以往知來耳房因免冠頓首曰春秋紀二百四十二年災異以示萬世之君今陛下卽位以來日月失明星辰逆行山崩泉湧地震石墮夏霜冬雷春凋秋榮隕霜不殺水旱螟蟲民人饑疫盜賊不禁刑人滿市春秋所紀災異盡備陛下視今爲治邪亂邪上曰亦極亂耳尙何道房曰今所任用者誰與

道言也考異曰故資政殿學士邵亢得兩浙錢正寫

本漢書無亂邪二字有上曰亦極亂上曰然幸其愈於彼又以爲耳尚何道房曰今十二字今取之

不在此人也

師古曰愈猶勝也言今之災異及政道猶幸勝於往日又不由所任之人

房曰夫前世之

君亦皆然矣臣恐後之視今猶今之視前也上良久乃曰今爲亂者誰哉房曰明主宜自知之上曰不知也如知何故用之房曰上最所信任與圖事帷幄之中進退天下之士者是矣房指謂石顯上亦知之謂房曰已諡房罷出後上亦不能退顯也

臣光曰人君之德不明則臣下雖欲竭忠何自而入乎觀京房所以曉孝元可謂明白切至矣而終不能寤悲夫詩曰匪面命

之言提其耳匪手攜之言示之事又曰誨爾諄諄聽我藐藐

皆大

雅抑詩之辭也鄭氏箋曰言我非但以手攜擊之貌示以其事之是非我非但對面告語之親提撕其耳此言以教導之熱不可啓覺也藐藐然不入也我教告王曰孝元之謂矣語諄諄然王聽胎之藐藐然○貌音醜

止令房上弟子曉知考功課吏事者欲試用之房上中郎任良姚平願以爲刺史試考功法臣得通籍殿中爲奏事以防壅塞石顯五鹿充宗皆疾房欲遠之建言立試以房爲郡守帝於是以前爲魏郡太守補註魏郡即今河南之彰德府得以考功法治郡房自請歲竟乘傳奏事天子許焉房自知數以論議爲大臣所非與石顯等有隙不欲遠離左右反爲太守憂懼乃上封事曰辛酉以來蒙氣衰去太陽精明臣猶欣然以爲陛下有所定也然少陰倍力而乘消息臣疑陛下雖行此道猶不得如意臣竊悼懼至己卯臣拜爲太守此言上雖明下猶勝之效也臣出之後恐爲用事所蔽身死而功不成故願歲盡乘傳奏事蒙哀見許乃辛巳蒙氣復乘卦太陽侵色張

曰晉卦解卦也太陽侵色謂大壯也原父曰蒙氣起而太陽侵色則太陽指日也大壯解卦可云太陽而非所侵色也京房易傳曰

彗如塵雲臣私竊及觀茲霜因辟厥災大臣賦小臣茲謂被蒙
蔽日不明若解不解晉書天文志曰凡連陰十日晝不見日夜不
見月亂風四起欲雨而無雨名曰蒙此上大夫覆陽而上意疑也

息卦曰太陰消卦曰太陽其餘卦曰少陰少陽謂臣下也上大夫覆陽蓋曰是侯之師古曰覆掩蔽也己卯庚辰之

閒必有欲隔絕臣令不得乘傳奏事者以辛巳蒙氣占已卯庚辰二日也房未發

上塞令陽平侯王鳳承制詔房止無乘傳奏事以陽平侯王禁之子房意愈

恐秋房去至新豐因鄧上封事曰臣前以六月中言遯卦不效法

曰道人始去寒涌水為災法者房占侯之法著之於書者也師古曰道人有道術之人也天氣寒又有水

涌出至其七月涌水出臣弟子姚平謂臣曰房可謂知道未可謂

信道也房言災異未嘗不中今涌水已出道人當逐死尙復何言

臣曰陛下至仁於臣尤厚雖言而死臣猶言也平又曰房可謂小

忠未可謂大忠也小忠謂以諫殺身而無益於國大忠謂諫行言聽而身與國同休也昔秦時趙高

竇治道繼補卷二十九 漢紀二十一 七思補

用事有正先者非刺高而死

孟康曰姓正名先秦博士也

高威自此成故秦之

亂正先趣之今臣得出守郡自詭效功恐未效而死惟陛下毋使

臣塞涌水之異當正先之死爲姚平所笑房至陝

陝縣屬安農郡周召二伯東西

分治以陝爲界卽此地也

復上封事曰臣前白願出任良試考功臣得居內議

者知如此於身不利臣不可蔽故云使弟子不若試師臣爲刺史

又嘗奏事故復云爲刺史恐太守不與同心不若以爲太守此其

所以隔絕臣也陛下不違其言而遂聽之此乃蒙氣所以不解太

陽無色者也臣去稍遠太陽侵色益甚陛下毋難還臣而易逆天

意邪說雖安於人天氣必變故人可欺天不可欺也願陛下察焉

房去月餘竟爲石顯所陷誅死初淮陽王歆舅張博從京房學以

女妻房房與相親每朝見退輒爲博道其與上所語以爲上意欲

用房議而羣臣惡其害己故爲眾所排博曰淮陽王上親弟敏達
好政欲爲國忠今欲令王上書求入朝得佐助房房曰得無不可
博曰前楚王朝薦士何爲不可房曰中書令石顯尙書令五鹿君
相與合同巧佞之人也事縣官十餘年及丞相韋侯皆久無補於
民此尤不欲行考功者也淮陽王卽朝見勸上行考功事甚善不
然但言丞相中書令任事久而不治可休丞相以御史大夫鄭宏
代之遷中書令置他官以鉤盾令徐立代之如此房考功事得施
行矣博眞從房記諸所說災異事因令房爲淮陽王作求朝奏草
皆持東與淮陽王而淮陽王實無意求入朝也博欲從王求金錢
而王賜之少博言負責數百萬責音債願王爲償王不許博辭去令
弟光恐王云王遇大人益懈博欲上書爲大人乞骸骨去大人者

王母張健仔之母也時健仔已卒王獨奉養外祖母於國博兄弟三人歲至淮陽省母輒受王賜後王上書請徙外家張氏於國博上書願守墳墓不徙故王恨之而節其所賜及聞光語王乃遣人持黃金五十斤送博博喜還書謝爲諂語稱盛譽王因言當今朝廷無賢臣災變數見足爲寒心萬姓咸歸心於大王大王奈何恬然不求入朝補助主上乎使弟光數說王宜聽博計令於京師說用事貴人爲王求朝王不納其言後光欲至長安辭王復言願盡力與博共爲王求朝王卽曰至長安可因平陽侯光得王欲求朝語馳使人語博博知王意動復遣王書曰博幸得肺腑數進愚策未見省察會得光書云大王已遣光西與博并力求朝博自以棄捐不意大王還意反義結以朱顏願殺身報德朝事何足言大王

誠咳嗽使得盡死湯禹所以成大功也王得書喜說復報以書且
爲償賁二百萬博遂與王書許言已見中書令石君求朝許以金
五百斤博已與大儒知道者爲大王作奏陳安危指災異大王朝
見先口陳其意而後奏之上必大喜事成功立外家亦將富貴何
復望大王之金錢王喜復報博書曰子高有顏冉之資臧武之智
子貢之辯卞莊之勇兼此四者世之所鮮旣開其端緒願卒成之
求朝義事也奈何行金錢乎博報曰已許石君須以成事王以金
五百斤予博會房出爲郡守離左右顯具得此事告之乃逮房與
博兄弟三人皆下獄有司奏請逮捕欽上不忍致法使諫大夫王
駿賜欽璽書曰皇帝問淮陽王有司奏王舅張博數遺王書非毀
政治謫訕天子以誚惑王所言悖逆無道王不舉奏而多予金錢

報以好言罪至不赦朕惻焉不忍聞爲王傷之推原厥本不祥自
博惟王之心匪同於凶已詔有司勿治王事遣諫大夫駿申諭朕
意詩不云乎靖恭爾位正直是與王其勉之於是欽免冠稽首謝
曰奉藩無狀過惡累列陛下不忍致法加大恩遣使者申諭道術
守藩之義伏念博罪惡尤深當伏重誅臣欽願悉心自新奉承詔
策博與房皆棄市妻子徙邊鄭宏坐與房善免爲庶人

班固曰幽贊神明通合天人之道者莫著乎易春秋然子貢猶
云夫子之文章可得而聞夫子之言性與天道不可得而聞也
漢興推陰陽言災異者董仲舒夏侯始昌眭孟夏侯勝京房翼
奉劉向谷永李尋田終術此其納說時君之著明者也察其所
言彷彿一端假經設誼依託象類或不免乎億則屢中仲舒下

吏夏侯囚執睦孟誅戮李尋流放此學者之大戒也京房區區

不量淺深危言譏刺構怨強臣罪不旋踵亦不密以失身悲夫

中書令石顯竟尙書尙書五人皆其黨也光祿大夫閼閼雖領尙

書事希得進見常因顯白事事決顯口會堪疾瘖卒音瘖顯遂誣

譖天中大夫張猛令自殺於公車穆道四年六月戊寅日有食之然按

今年京房爲考功課吏法堪猶初言不可後御史中丞陳咸亦數

善之乃知堪卒在京房殺後故移置之於此

毀顯顯銜之時槐里令朱雲殘酷賊殺不辜丞相韋元成言其狀

咸在上前聞之以語雲教令上書自訟顯乃奏咸漏泄省中語與

雲皆下獄掠治滅死髡爲城旦顯威權日盛公卿以下畏顯重足

一迹顯與中書僕射牢梁少府五鹿充宗結爲黨友諸附倚者皆

得寵位民歌之曰牢邪石邪五鹿客邪師古曰累何樂樂殺若若邪

累重積也顯內自知擅權事柄在掌握恐天子一旦納用左右耳

若若長貌顯先自白恐後漏盡宮門閉請使詔吏開門上許之顯

目以閒已乃時歸誠取一信以爲驗顯嘗使至諸官有所徵發日使諸官

諸官府也顯先自白恐後漏盡宮門閉請使詔吏開門上許之顯

故投夜還稱詔開門入後果有上書告顯顯命矯詔開宮門天子

聞之笑以其書示顯顯因泣曰陛下過私小臣屬任以事羣下無

不嫉妬欲陷害臣者事類如此非一唯獨明主知之愚臣微賤誠

不能以一軀稱快萬眾任天下之怨臣願歸樞機職受後宮掃除

之役死無所恨唯陛下哀憐財幸財與以此全活小臣天子以爲

然而憐之數勞勉顯加厚賞賜賞賜及賂遺皆一萬萬皆與初顯

聞眾人匈匈言已殺前將軍蕭望之恐天下學士訕己以諫大夫

黃禹明經著節乃使人致意深自結納因薦禹天子歷位九卿禮

事之甚備議者於是或稱顯以爲不妒譖望之矣

薦貢禹事當在
治殺京房陷陳

歲之前故以
初字發語

顯之設變詐以自解免取信人主者皆此類也

荀悅曰夫佞臣之惑君主也甚矣故孔子曰遠佞人非但不用而已乃遠而絕之隔塞其源戒之極也孔子曰政者正也夫要道之本正己而已矣平直真實者正之主也故德必核其真然後授其位能必核其真然後授其事功必核其真然後授其賞罪必核其真然後授其刑行必核其真然後貴之言必核其真然後信之物必核其真然後用之事必核其真然後修之故眾正積於上萬事實於下先王之道如斯而已矣

八月癸亥以光祿勳匡衡爲御史大夫 閏月丁酉太皇太后上

官氏崩

此昭帝上
官氏也

冬十一月齊楚地震大雨雪樹折屋壞

配建昭三年夏六月甲辰扶陽共侯韋元成薨元成為相七年守

正持重不及父賢而文采過之 秋七月以匡衡為丞相封樂安

侯戊辰衛尉李延壽為御史大夫 冬使西域都護騎都尉北地

甘延壽副校尉山陽陳湯共誅斬郅支單于於康居延壽為人多

力投石拔距絕於等倫嘗超踰羽林亭樓試弁為期門弁手搏也期門天子

左右親以材力愛幸湯少好書博達善屬文家貧丐貸無節不為

州里所稱西至長安求官以薦為郎數求使外國久之遷西域副

校尉與延壽俱出監郅支單于雖寄居康居自以大國威名尊重

又乘勝驕郅支嘗破殺閼振攻破呼韓邪又殺伊不為康居王禮

怒殺康居王女康居王以女妻郅支及貴人人民數百或支解投

都賴水中師古曰都賴郅支水名余謂發民作城日作五百人二

歲乃已又遣使責闐蘇大宛諸國歲遺

師古曰胡廣云康居北可一千里有國名奄蔡一名

闐蘇然則闐蘇即奄蔡也歲遺者年常所獻之物

不敢不予漢遣使三輩至康居求谷吉

等死

殺谷吉見上卷初元五年

到支困辱使者不肯奉詔而因都護上書言居

困厄願歸計張漢遣子入侍

師古曰故為此言以調戲也歸計謂歸附而受計策也

其驕嫚

加此湯爲人沈勇有大慮多策略喜奇功每過城邑山川常登望

焉既領外國遂與延壽謀曰夷狄畏服大種其天性也西域本屬

匈奴

武帝雖通西域匈奴猶役屬之至宣帝時朝呼韓邪降日逐西域乃屬漢

今郅支單于威名遠聞

侵陵烏孫大宛常爲康居盡計欲降服之如得此二國數年之閒

城郭諸國危矣且其人剽悍好戰伐數取勝久畜之必爲西域患

雖所在絕遠蠻夷無金城疆弩之守如發屯田吏士

師古曰屯田者車師也

烏孫眾兵直指其城下彼亡則無所之守則不足自保千載之功

可一朝而成也延壽以爲然欲奏請之湯曰國家與公卿議

此時已稱

天子爲國家非至東都始然也大策非凡所見事必不從延壽猶與不聽會其久

病湯獨矯制發城郭諸國兵車師戊己校尉屯田吏士延壽聞之

驚起欲止焉湯怒按劔叱延壽曰大眾已集曾豈子欲沮眾邪延

壽遂從之部勒行陳漢兵胡兵合四萬餘人延壽湯上疏自劾奏

矯制陳言兵狀即日引軍分行別爲六校

按湯傳益置揚威合騎白虎之校併副校尉戊

校尉己校尉其三校從南道踰蔥嶺徑大宛其三校都護自將發溫

宿國從北道入赤谷過烏孫

溫宿國東至都護治所二千三百里北至烏孫赤谷六百一十里

涉康居界至闐池西而康居副王抱闐將數千騎寇赤谷城東殺

略大昆彌千餘人破畜產甚多從後與漢軍相及頗寇盜後重

古師

曰重謂湯縱胡兵擊之殺四百六十人得其所略民四百七十人

謂重也

還付大昆彌其馬牛羊以給軍食又捕得抱閼賁人伊奴壽入康
居東界令軍不得爲寇聞呼其賁人居巖見之險以威信與飲盟
遣去徑引行未至單于城可六十里止營復捕得康居賁人具色
子男開牟以爲導具色子卽居墨母之弟皆怨單于由是具知郅
支情明日引行未至城三十里止營單于遣使問漢兵何以來靡
曰單于上書言居困厄願歸計張漢身入朝見天子哀閼單于棄
大國屈意康居故使都護將軍來迎單于妻子恐左右驚動故未
敢至城下使數往來相答報延壽湯因讓之我爲單于遠來而至
今無名王大人見將軍受事者師古曰名王諸王之貴者受事受教命而供事也何單于
忽大計失客主之禮也兵來道遠人畜罷極音作去聲食度且盡恐
無以自還願單于與大臣審計策明日前至郅支城都賴水上離

城三里止營傅陳

師古曰傳讀曰敷布也

望見單于城上立五采幡幟數百

人被甲乘城又出百餘騎往來馳城下步兵百餘人夾門魚鱗陳

師古曰言其相接次形若魚鱗

講習用兵城上人更招漢軍曰關來百餘騎馳赴

營營皆張弩持滿指之騎引卻頗遣吏士射城門騎步兵

皆入延壽湯令軍聞鼓音皆薄城下四面圍城各有所守穿墻塞

門戶鹵橦爲前戟弩爲後仰射城樓上人樓上人下走土城外有

重木城從木城中射頗殺傷外人外人發薪燒木城夜數百騎欲

出外迎射殺之初單于聞漢兵至欲去疑康居怨己爲漢內應又

聞烏孫諸國兵皆發自以無所之郅支已出復還曰不如堅守漢

兵遠來不能久攻單于乃被甲在樓上諸關氏夫人數十皆以弓

射外人外人射中單于鼻諸夫人頗死單于乃下夜過半木城穿

中人卻入土城乘城呼

中人木城中人也

時康居兵稍餘騎分為十餘處

四面環城亦與相應和夜數奔營不利輒卻平明四面火起吏士

喜大呼乘之鉦鼓聲動地

鉦鉦也其狀似鈴杜佑曰鉦也形如小鐘軍行鳴之以為鼓節周禮以全鐘

節鼓近代有大銅鑼懸而擊之以節鼓月鉦○鉦音征錫名也

康居兵引卻漢兵四面推鹵楯竝

入土城中單于男女百餘人走入大內

師古曰大內單于之內室也

漢兵縱火

吏士爭入單于被創死軍候假丞杜勳斬單于首

杜勳軍行有各部校尉部下有

曲肱有軍候一人又都護有副校尉秩比二千石丞

得漢使節二

及谷吉等所齎帛書諸鹵獲以昇得者凡斬閼氏太子名王以下

千五百一十八級生虜百四十五人降虜千餘人賦子城郭諸國

所發十五王

師古曰賦謂班與之也所發十五王謂所發諸國之王領兵共圍郅支單于者也

兩建昭四年春正月郅支首至京師延壽湯上疏曰臣聞天下之

大義當混為一昔有唐虞今有疆漢匈奴呼韓邪單于已稱北藩

唯邪支單于叛逆未伏其辜大夏之西以為疆漢不能臣也大夏西域

國名在大宛西南師古曰謂漢為不能使邪支臣服也邪支單于慘毒行於民大惡通於天

臣延壽臣湯將義兵行天誅賴陛下神靈陰陽竝應天氣精明陷

陳克敵斬邪支首及各王以下宜縣頭橐街蠻夷邸晉灼曰橐街黃國在

長安城西內師古曰橐街街名蠻夷邸在此街以示萬里明犯疆

漢者雖遠必誅丞相匡衡等以為方春掩骼埋胔之時禮記月令孟春掩骼

埋胔臣瓚曰枯骨曰骸有肉曰胔○詔音格骸音恣宜勿縣詔縣十日乃埋之仍告祠郊廟

赦天下羣臣上壽置酒 三月雨雪燕多死 夏六月甲申中山

哀王薨哀王者帝之少弟與太子游學相長大及薨太子前弔

上望見太子感念哀王悲不能自止太子既至前不哀上大恨曰

安有人不慈仁而可以奉宗廟爲民父母者乎是時駙馬都尉侍
中史丹護太子家上以責謂丹丹免冠謝曰臣誠見陛下哀痛中
山王至以威損向者太子當進見臣竊戒焉母涕泣感傷陛下罪
乃在臣當死上以爲然意乃解 藍田地震山崩雍霸水安陵岸
崩壅涇水涇水逆流 藍田縣屬京兆水經霸水出藍田縣藍田谷
過霸陵縣西北流注於渭孟康曰安陵岸忠
帝陵旁涇
水岸也

建昭五年春三月赦天下 夏六月庚申復戾園 壬申晦日

有食之 秋七月庚子復太上皇寢廟園原廟昭靈后武哀王昭

哀后衛思后園時上寢疾久不平夢爲祖宗譴怒故盡復之唯郡

國廟遂廢云 永光四年
罷園廟 是歲徙濟陽王康爲山陽王 匈奴呼

韓邪單于聞郅支既誅且喜且懼 喜者以郅支既誅而已無後患
也懼者以漢威強懼復得罪而

滅亡如
邳支也
上書願入朝

元帝建昭四年五年竟甯元年
元也師古曰據加應說竟甯爲境古之用字竟境實

同但詔云長無兵革之事竟者終極之言言永永安甯也既
無兵革中外安甯豈止境上若依本字而讀義更宏通也 春止

月匈奴呼韓邪單于來朝自言願婿漢氏以自親帝以後宮良家

子王昭君等
補註昭君名
賜單于時帝後宮多不得偏見乃使畫

工圖形象圖召幸之諸宮人皆賂畫工獨昭君恃其姿容志不苟

求畫工毛延壽遂毀爲其狀故不得召見數歲不見御昭君積悲

怨及呼韓邪來朝帝敕以宮女五人賜之昭君乃自請掖庭令求

行呼韓邪陛辭帝召五女賜之昭君豐容靚飾光照漢宮顧景裴

回竦動左右帝見之大驚意欲留之而難於失信遂與匈奴因窮

按畫工棄延壽於市單于既得昭君雖喜上書願保塞上谷以西

至燉煌傳之無窮請罷邊備塞吏卒以休天子人民天子下有司
議議者皆以爲便郎中候應習邊事以爲不可許上問狀應曰周
秦以來匈奴暴桀寇邊境漠興尤被其害臣聞北邊塞至遼東
外有陰山東西千餘里草木茂盛多禽獸本旨頓單于依阻其中
治作弓矢來出爲寇是其苑囿也至孝武世出師征伐斥奪此地
攘之於幕北建塞微起亭隧微境也小路也循察也隧師古曰築謂深開小道而行避敵抄寇也築
外城設屯戍以守之然後邊境用得少安幕北地平少草木多大
沙匈奴來寇少所蔽隱從塞以南徑深山谷往來差難遯長老言
匈奴失陰山之後過之未嘗不哭也如罷備塞吏卒示夷狄之大
利不可一也今聖德廣被天覆匈奴匈奴得蒙全活之恩稽首來

臣夫夷狄之情困則卑順強則驕逆天性然也前已罷外城

事見二十

復罷二也中國有禮義之教刑罰之誅愚民猶尙犯禁又况單于

能必其眾不犯約哉三也自中國尙建關梁以制諸侯關梁設於水陸要會

之處因山陞而設塞以護陸行者爲關或立石或架木或維舟壅水以護舟行者爲梁所以絕臣下之覬欲

也設塞微置屯戍非獨爲匈奴而已亦爲諸屬國降民本故匈奴

之人恐其思舊逃亡四也近西羌保塞與漢人交通吏民貪利侵

盜其畜產妻子以此怨恨起而背畔今罷乘塞則生嫚易分爭之

漸五也往者從軍多沒不還者子孫貧困一旦亡出從其親戚六

也又邊人奴婢愁苦欲亡者多曰聞匈奴中樂無柰候望急何然

時有亡出塞者七也盜賊桀黠羣輩犯法如其窘急亡走北出則

不可制八也起塞以來百有餘年自武帝起塞時至此時百有餘年非皆以土垣

也或因山巖石木槩價落谿谷水門稍稍平之卒徒築治功費久

遠不可勝計

補註謂築塞者不盡皆土垣也或因山之巖石而築之或因木柴之價而築之或因谿谷之險水門之

斷陷稍平治以爲內外恐議者不深慮其終始欲以壹切省繇戍之防故曰功費久遠

師古曰壹切者權時之事非經常也猶如以刀切物苟反整齊不顧長短縱橫故言壹切十年之外百歲之內

卒有他變障塞破壞亭隧滅絕更當發屯緝治累歲之功不可卒

復九也如罷卒戍省候望單于自以保塞守禦必深德漢

師古曰德也

補恩請求無已小失其意則不可測開夷狄之隙虧中國之固十

也非所以永持至安威制百蠻之長策也對奏天子有詔勿議罷

邊塞事使車騎將軍嘉口諭單于曰單于上書願罷北邊吏士屯

戍子孫世世保塞單于鄉慕禮義所以爲民計者甚厚此長久之

策也朕甚嘉之中國四方皆有關梁障塞非獨以備塞外也亦以

防中國姦邪放縱出爲寇害故明法度以專眾心也

專言也

敬諭單

于之意朕無疑焉爲單于怪其不罷故使嘉曉單于單于謝曰恩

不知大計天子幸使大臣告語甚厚初左伊秩訾爲呼韓邪畫計

歸漢

事見二十七卷宣帝甘露元年

竟以安定其後或譏伊秩訾自伐其功常鞅

鞅呼韓邪疑之伊秩訾懼誅將其眾千餘人降漢漢以爲關內侯

食邑三百戶令佩其王印綬

師古曰雖於漢爲關內侯而依匈奴王號與印綬

及呼韓邪

來朝與伊秩訾相見謝曰王爲我計甚厚令匈奴至今安甯王之

力也德豈可忘我失王意使王去不復顧留

師古曰言不復顧念而留住匈奴中皆

我過也今欲白天子請王歸庭

歸單于庭也

伊秩訾曰單于賴天命自

歸於漢得以安甯單于神靈天子之祐也我安得力旣已降漢又

復歸匈奴是兩心也願爲單于侍使於漢不敢聽命單于固請不

能得而歸單于號王昭君爲甯胡閼氏生一男伊屠智牙師爲右
日逐王 皇太子冠 二月御史大夫李延壽卒 初石顯見馮

奉世父子爲公卿著名女又爲昭儀在內顯心欲附之薦言昭儀

兄謁者遂修敕宐侍帷幄

遂音津

天子召見欲以爲侍中遂請聞言

事上聞遂言顯專權大怒罷遂歸郎官及御史大夫缺在位多舉

遂兄大鴻臚野王上使尙書選第中二千石

選第者選其有行能者而第其高下之次

也

而野王行能第一上以問顯顯曰九卿無出野王者然野王親

昭儀兄臣恐後世必以陛下度越眾賢私後宮親以爲三公上曰

善吾不見是因謂羣臣曰吾用野王爲三公後世必謂我私後宮

親屬以野王爲比三月丙寅詔曰剛強堅固確然無欲大鴻臚野

王是也心辯善辭可使四方少府五鹿充宗是也廉潔節儉太子

少傅張譚是也其以少府爲御史大夫雷王歎曰人皆以女寵貴我兄弟獨以賤然野王雖不爲三公甚見器重有名當世野王嘗爲隴西太守以治行高第爲左馮翊其弟立代爲太守居職公廉治行略與野王相似而多智有恩貸好爲條教百姓歌之曰大馮君小馮君兄弟繼踵相因循聰明賢智惠吏民政如魯衛德化鈞周公康叔猶二君

以河南太守九江召信臣爲少府信臣先爲南陽太守後遷河南治行常第一視民如子好爲民興利躬勸耕稼田入阡陌止舍離鄉亭

止舍離鄉亭者謂鄉于野也

稀有安居時行視郡中水泉開通溝瀆起水門隄閘凡數十處以廣溉漑歲歲增加多至三萬頃民得其利蓄積有餘又爲民作均水約束刻石立於田畔以防紛爭禁止嫁娶送終奢靡務出於儉約府縣吏家子弟好遊

赦不以田作為事輒斥罷之甚者案其不法以示好惡其化大行
郡中莫不耕稼力田百姓歸之戶口增倍吏民親愛號曰召父及
為少府奏請上林諸離遠宮館稀幸御省勿復繕治供張又奏省
樂府黃門倡優諸戲及宮觀兵弩什器減過大半太官園種冬生
葱韭菜茹覆以屋廡晝夜爨繚火待溫氣乃生爨即信臣以為不
時之物有傷於人不宜以奉供養及他非法食物悉奏罷省費歲
數千萬 癸卯復孝惠皇帝寢廟園及孝文太后孝昭太后寢園

初中書令石顯嘗欲以姊妻甘延壽延壽不取及破郵支還丞

相御史亦惡其矯制皆不與延壽等陳湯素貧所鹵獲財物入塞

多不法

師古曰不法者私自取之不依軍法余謂不法者以外國財物關入邊關也

司隸校尉移書道

上

移書所過道上

移書所過道上 繫吏士按驗之湯上疏言臣與吏士共誅郵支單

于幸得禽滅萬里振旅宜有使者迎勞道路今司隸反逆收繫按
驗也逆迎是為郅支報讎也上立出吏士令縣道具酒食以過軍既

至論功石顯匡衡以為延壽湯擅興師矯制幸得不誅如復加爵

土則後奉使者爭欲乘危徼幸生事於蠻夷為國招難帝內嘉延

壽湯功而重違衡顯之議久之不決故宗正劉向上書曰帝初即位劉向

為宗正免官久矣故曰故宗正郅支單于囚殺使者吏士以百數事暴揚外國傷

威毀重羣臣皆閔焉陛下赫然欲誅之意未嘗有忘西域都護延

壽副校尉湯承聖指倚神靈總百蠻之君攬城郭之兵出百死入

絕域遂蹈康居屠三重城郅支城木城再重并土城為三重攀歛侯之旗斬郅支

之首縣旌萬里之外揚威昆山之西崑山指言崑崙山也壅谷吉之恥立昭

明之功昭明謂顯功也萬夷情伏莫不懼震呼韓耶單于見郅支已誅且

喜且懷鄉風馳義積首來賓願守北藩累世稱臣立千載之功建
萬世之安羣臣之勳莫大焉昔周大夫方叔吉甫爲宣王誅玁狁
而百蠻從其詩曰嘽嘽焞焞如霆如雷顯允方叔征伐玁狁蠻荆
來威師古曰小雅采芣之時也嘽嘽焞焞也焞焞盛也言車徒既眾且盛故能克定玁狁而令荆土之蠻亦畏威而來也嘽明也
允信也○嘽音坦焞音推易曰有嘉折首獲匪其醜言美誅首惡之人而諸不
順者皆來從也今延壽湯所誅震雖易之折首詩之雷霆不能及
也論大功者不錄小過舉大美者不疵細瑕司馬遷曰軍賞不踰
月欲民速得爲善之利也蓋急武功重用人也吉甫之歸周厚賜
之其詩曰吉甫燕喜既多受祉來歸自鎬我行永久師古曰小雅六月之詩也
鎬地名非豐鎬之鎬此鎬及方皆在周之北時儉狁侵鎬及方一于涇陽吉甫獲伐自鎬而還王以宴饗樂之多受福賜以其行役有功日月長久故也吉甫尹吉甫也千里之鎬猶以爲遠況萬里之外其勤至矣延

壽湯既未獲受社之報反屈捐命之功久挫於刀筆之前非所以

厲有功勸戎士也昔齊桓前有尊周之功後有滅項之罪君子以

功覆過而爲之諱

師古曰尊周謂伐楚責苞茅及會王世子於首止項則名也春秋僖十七年夏滅項公羊傳曰

齊滅之也不言齊爲桓公諱也桓嘗有繼絕存亡之功故君子爲之諱

貳師將軍李廣利捐五萬之

師靡億萬之費經四年之勞而僅獲駿馬三十匹雖斬宛王母寡

之首猶不足以復帶其私罪惡甚多孝武以爲萬里征伐不錄其

過遂封拜兩侯三卿二千石百有餘人

事見二十一卷武帝太初三年四年今康居

之國疆於大宛邦支之號重於宛王殺使者罪甚於閼馬而延壽

湯不煩漢士不費斗糧比於貳師功德百之且常惠隨欲擊之烏

孫

事見二十四卷宣帝本始三年

鄭吉迎自來之日逐

事見二十六卷宣帝神爵二年

猶皆裂土

受爵故言威武勸勞則大於方叔吉甫列功覆過則優於齊桓貳

師近事之功則高於安遠長羅

師古曰安遠侯傳吉長羅侯常惠也

而大功未著小

惡數布臣竊痛之宜以時解縣通籍

孟康曰縣非未竟也如言籍罰也通籍者不禁止令得出

入也縣

請曰應除過勿治尊寵爵位以勸有功何即更生也於是天子下

詔赦延壽湯罪勿治令公卿議封焉議者以爲宜如軍法捕斬單

于令匡衡石顯以爲郅支本亡逃失國竊號絕域非真單于帝取

安遠侯鄭吉故事封千戶衡顯復爭夏四月戊辰封延壽爲義成

侯

地理志南郡有義成侯國

賜湯爵關內侯食邑各三百戶加賜黃金百斤拜

延壽爲長水校尉湯爲射聲校尉於是杜欽上疏追訟馮奉世前

破莎車功云前莎車王殺漢使者約諸國背畔左將軍奉世以衛

候便宜發兵誅莎車王策定城郭功施邊境議者以奉世奉使有

指春秋之義無遂事漢家之法有矯制故不得侯今匈奴郅支單

于殺漢使者亡保康居都護延壽發城郭兵屯田吏士四萬餘人以誅斬之封爲列侯臣愚以爲比罪則鄧支薄量敵則抄車眾用師則奉世寡計勝則奉世爲功于邊境安慮敗則延壽爲禍於國家深其違命而生事同延壽割地封而奉世獨不錄臣聞功同賞異則勞臣疑罪鈞刑殊則百姓惑願下有司議上以先帝時事不復錄欽故御史大夫延年子也

荀悅論曰誠其功義足封追錄前事可也春秋之義毀泉臺則惡之舍中軍則善之春秋公羊傳文公十六年毀泉臺何以善讓何讓爾先祖爲之已毀之不如勿居而已矣昭五年舍中軍舍中軍者何復古也穀梁之義略同各出其宜也夫矯制之事先王之所慎也不得已而行之若矯大而功小者罪之可也矯小而功大者賞之可也功過相敵如斯而已可也權其輕重而爲之制

宣焉

初太子少好經書寬博謹慎其後幸酒樂燕樂上不以爲能而山

陽王康有才藝母傅昭儀又愛幸上以故常有意欲以山陽王爲

嗣上晚年多疾不親政事習好音樂或置鼙鼓殿下天子自臨軒

檻上墮銅丸以撻鼓

師古曰鼓本騎上之鼓也
軒關板也墮下也撻投也

聲中殿鼓之節

皆灼

日疾擊之鼓也

後宮及左右習知音者莫能爲而山陽王亦能之上數稱

其材史丹進曰凡所謂材者敏而好學溫故知新皇太子是也若

乃器人於絲竹鼙鼓之間則是陳惠李微高於匡衡可相國也二

皆黃門鼓吹也

於是上嘿然而笑及上寢疾傅昭儀山陽王康常在左右

而皇后太子希得進見上疾稍侵意忽忽不平

師古曰稍侵言數漸篤也平和也

問尚書以景帝時立膠東王故事

事見十六卷
景帝前六年

是時太子長舅陽

平侯王鳳爲衛尉侍中與皇后太子皆憂不知所出史丹以親密

臣得侍視疾候上閒獨寢時丹直入臥內頓首伏青蒲上

服虔曰青緣蒲

席也應劭曰以青規地曰青蒲自非皇后不得至

此孟康曰蒲青爲席用蔽地也師古曰應說是也

太子以適長立積十餘年名號繫於百姓天下莫不歸心臣子

師古

曰自託爲臣子仲馮曰臣子當屬下句不當斷之

見山陽王雅素愛幸今者道路流言爲

國生意以爲太子有動搖之議審若此公卿以下必以死爭不奉

詔臣願先賜死以示羣臣天子素仁不忍見丹涕泣言又切至意

大感寤喟然太息曰吾日困劣太子兩王幼少

兩王山陽王與信都王意中

戀戀亦何不念乎然無有此議且皇后謹慎先帝又愛太子

事見二十

七卷帝

甘露三年吾豈可違指駙馬都尉安所受此語丹即卻頓首曰愚

臣妄聞罪當死上因納謂丹曰吾病寢加恐不能自還善輔道太

子毋違我意丹噓唏而起太子由是遂定為嗣丹高之子也為人足智愷悌愛人貌若儻薄不備然心甚謹密故為上所親信言多見從時右將軍光祿大夫王商中書令石顯亦擁佑太子頗有力焉

夏五月壬辰帝崩於未央宮臣瓚曰帝年二十七卽位卽位十六年壽四十三

班彪贊曰臣外祖兄弟為元帝侍中應劭曰外祖金敞也語臣曰元帝多

材藝善史書應劭曰周宣王太史史籀所著大篆鼓琴瑟吹洞簫如清曰簫之無底者也杜佑曰

前代有洞簫今無其器自度曲被歌聲應劭曰自隱度作新曲因持新曲以為歌詩聲也荀悅曰被聲能橋

樂也臣瓚曰度曲謂歌終更授其次謂之度曲西京賦曰度曲未終雲起雪飛張衡舞賦亦曰度終復位次受三入分判

節度窮極幼眇蘇林曰判度也知曲之終始節度也韋昭曰判切也謂能分切句絕為之節制也陸古曰韋說

是也○判音付幼眇音要眇少而好儒及卽位徵用儒生委之以政貢薛韋

匡迭為宰相而上奉制文義優游不斷孝宣之業衰焉然寬宏

盡下出於恭儉號令淵雅有古之風烈

匡衡奏言前以上體不平故復諸所罷祠卒不蒙福案衡思后戾

太子戾后園親未盡孝惠孝景廟親盡宜毀及太上皇孝文孝昭

太后昭靈后昭哀后武哀王祠請悉罷勿奉奏可 六月己未太

子即皇帝位謁高廟尊皇太后曰太皇太后宣帝即成皇后曰皇

太后以元舅侍中衛尉陽平侯王鳳為大司馬大將軍領尚書事

王氏得權 秋七月丙戌葬孝元皇帝于渭陵臣瓚曰自薊及葬

白北始 大赦天下 丞相衡上疏曰陛下秉至孝哀傷忠慕

不絕於心未有游虞弋射之宴誠隆於慎終追遠無窮已也竊願

陛下雖聖性得之猶復加聖心焉師古曰言天性已自 詩云煢煢

在疚師古曰周頌閔予小子之言 言成王喪畢思慕意氣未能平也

蓋所以就文武之業崇大化之本也臣又聞之師曰妃匹之際生
民之始萬福之原婚姻之禮正然後品物遂而天命全孔子論詩
以關雎爲始此綱紀之首王教之端也自上世以來三代興廢未
有不由此者也願陛下詳覽得失盛衰之效以定大基采有德戒
聲色近嚴敬遠技能臣聞六經者聖人所以統天地之心著善惡
之歸明凶吉之分通人道之正使不悖於其本性者也及論語孝
經聖人言行之要方究其意臣又聞聖王之自爲動靜周旋奉天
承親臨朝享臣物有節文以章人倫蓋欲翼祇栗事天之容也溫
恭敬遜承親之禮也正躬嚴恪臨眾之儀也嘉惠和說饗下之顏
也舉錯動作物遵其儀故形爲仁義動爲法則今正月初幸路寢
路寢大臨朝賀置酒以饗萬方傳曰君子慎始願陛下留神動靜

之節使羣下得望盛德休光以立基楨天下幸甚上敬納其言

天將軍鳳奏擢其軍中司馬涿郡王尊爲司隸校尉初尊爲益州刺史行部至邛郯九折阪問吏曰此非王陽所畏道耶吏對曰然尊叱其馭曰驅之王陽爲孝子王尊爲忠臣尊居部二歲懷來徼外蠻夷畏服遷爲東平王相王以至親驕奢不奉法度及尊視事奏璽書至廷中王綏於受詔尊卽持璽書歸舍食已乃還致詔後復謁見王太傅在前誦相鼠之詩尊曰毋持布鼓過雷門雷門會稽城門也有大鼓擊之聲聞音陽布鼓無聲者也王怒起入後宮尊亦直趨出就舍先是王數私出驅馳國中與后姬家交通尊乃召廢長戒敕之令叩頭爭之言相有敎不得復然後尊朝王王延尊登堂尊謂王曰尊來爲相人皆弔尊也皆言王勇順但負貴安能勇如尊乃勇耳王變色視

尊意欲格殺之卽好謂尊曰願觀相君佩刀尊舉掖殿謂旁侍郎
前引佩刀示王王欲誣相拔刀向王邲王情得又雅聞尊高名大
爲尊屈酌酒具食相對極歡久之王太后奏尊爲相倨慢不臣免
爲庶人鳳多其才故起家爲司馬而奏用之爲司隸

資治通鑑補卷二十九終